

haulteur l'Isle des Oyseaux, ainsi nommee à cause que les habitans d'icelle ne sont
 autres que oyseaux: vray est qu'il y vient quelques fois des bestes de terre ferme, ^{Isle des oy-}
 entre autres des Ours: & en fut trouué vn par Iacques Cartier, lequel estoit blac cõ- ^{seaux.}
 me vn signe, & fut occis voulant gagner la fuite d'vne Isle a l'autre: de laquelle celle
 de Sainte, ainsi nommee par vn Pilote Xaintongois, laquelle est eslongnee de vingt
 deux lieues ou enuiron. En mesme longitude, est le cap Blanc, Chasteau, Belle Isle,
 & les Isles de Scutel (qui sont plusieurs en nombre, & deshabitees, si ce n'est de pes-
 cheurs) cap de Mare, & celuy de terre ferme, qui est le dernier congneu des no-
 stres, tant à cause de la Barbarie du peuple, que pour autant que la navigation n'est
 plus outre frequentee, si l'on ne veut prendre la route des Isles de Groenlant, & ^{Isles de Gro-}
 celle de Grotlant. Vous ayant ainsi particularise les Prouinces, Villes, Riui- ^{en. ant. &}
 res, Goulfes, Promontoires, tenans & aboutillans de ceste quatriesme partie du ^{Groenlant.}
 monde, ensemble les mœurs, loix, coustumes, & façon de viure des peuples ha-
 bitans d'iceluy, il ne me reste plus que à vous dire comme elle bornee & separee
 des autres trois parties. En premier lieu du costé du Su, la mesme Nature la diui-
 see par ceste estressissure de mer, ou destroit Austral, de la terre incongneue, &
 non encores illustree tant pour la longueur du chemin, que pour l'incommodité
 des froidures: & laquelle i'estime estre plus grande, que nulle des autres parties
 par moy descrites, suyuant le rapport que m'en ont fait quelques Portugais, qui
 se ventoient auoir passé ledit destroit. Du costé du Nord elle est iointe à l'Asie, &
 separee d'icelle par les montaignes & riuieres de la terre de Grotlend, ainsi nom-
 mee à cause des Isles de Grotland, & Groenlant qui l'auoisinent, & habitees de
 peuples farouches, qui ne sont non plus civilisez que ceux qui demeurent sous
 le Pole Antarctique: Et ainsi ce seroit chose a moy mal considerée de la separer
 par vn destroit de mer, comme quelques Geographes ont voulu faire, monstrant
 euidentement leur ignorance par les Cartes qu'ils en ont fait: entre autres Genma ^{Erron. de}
 Phrigius, qui dit que ce fut par iceluy que passerent les Portugais, pour descou- ^{Gema. P. 110}
 urir les Isles des Moluques: ce qui est tresfaulx: car sil estoit veritable, lesdits Por- ^{gim.}
 tugais, mesmes les Angloys & Escollois, eussent passé ce destroit, pour chercher
 les thresors qui sont aux dites Isles de ceste mer Pacifique, sans prendre vn si long
 chemin que celuy de Fernand Magellan, qui fut pres de deux ans & demy à sil-
 lonner la mer, entrat dans Ports, Goulfes & riuieres, deuant que pouuoir trouuer
 passage: ce que depuis il feit par ce destroit Austral, qui fut l'an mil cinq cens
 vingt & deux. Toutesfois i'e excuse aussi bien que d'autres de nostre temps qui
 se sont aheurtes a ceste opinion: ou comme ceux qui tiennent que les terres qui
 sont sous la Zone torride sont deshabitees: mais estans vaincuiz du tesmoignage
 de moy, & d'autres qui ont veu le contraire, ils confesseront à la fin leur faulte,
 ioint les raisons par moy deduites, & princes de mes tables Geographiques & A-
 stronomiques, lesquelles i'espere deuant mourir mettre en lumiere: mais reue-
 nons a nostre propos. Du costé du Leuant ceste terre est separee de l'Afrique, par ^{Ceux qui}
 ce grand Ocean: & au Ponant luy est encores vne autre terre incongneue avec ^{ont desiré}
 vn Archipelague d'Isles habitees & deshabitees. Et ainsi vous voyez quelle est sa ^{de ceste qua-}
 longueur & largeur, & si elle merite pas bien d'estre nommee quatriesme partie ^{triesme par-}
 du monde, estant son estendue de l'vn Pole a l'autre, comme ie vous ay dit ail- ^{tie du monde.}
 leurs: & de laquelle i'eusse plus amplement discouru si i'eusse voulu glenner
 sur les moissons d'autruy. Ie scay bien que Christoffe Coulon, Americ Vespu-
 ce, Pierre Martir Milannois, Gonzale de Ouidio, Fernand Cortez, Pierre Da-
 uarre, Diego Godoy, Aluare Nunes, Nuane de Gusman, François Vlloa, Fer-